


沈乃文主編

明別集叢刊 第四輯

第六冊

黃山書社





国家出版基金项目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第六冊

黃山書社



(明)楊于庭 著

楊道行集二十二卷

明萬曆刻本

楊道行先生集序

癸未進士前誥道學察御史知金板縣事黃岡樊玉衡撰

蓋不佞玉衡往釋褐長安中則識令吏部知先生孚如已識其所為詩籍甚既十年用御史調量移茲土而因得以識揚職方

道行先生道行故與孚如石交而又爭以詩狎主吳楚之盟當道行業成思一當于天下則使使千里而問序孚如乃孚如之所為揚扈至矣顧復以命不佞夫不佞楚鄙之人也推于一斑

無所于窺而于兩先生無能為役其何辭之與有雖然君家子雲有言視日月而知衆星之蔑也夫則衆星之為章于天也者則可謂衆星之得為日月也者則不可何者其小大之分固自

楊道行集序

卷一

有定也三百篇尚矣漢魏六朝唐以至今日操觚之士其人存而以數十百千命者代不乏也其詩存而以數十百千命者人不乏也然自曹劉潘陸陶謝李杜諸大家外牘而數之或不能

以臆對故衡之以五緯萬不得
一矣衡之以二曜億不得一矣
明興以文程士而文不必過宋
不以詩程士而詩與唐人相雄
長乃其所為二曜者北地信陽
耳李迪伯溫稍稱啟明之光何

楊道行集

卷一

李以還遠則吳縣亳州洛陽齊
安近則瑯琊歷下武昌興化彬
彬各炳于一緯而各成其一家
蓋自是而三垣二十八舍不勝
指矣今以道行自視與天下之
所以視道行者其于此數先生

何如哉且也道行髫而能詩
詩名脛四方且二十年而猶重
重強仕有二耳司物柄者復暫
縱之廣漠之野而使之極騁于
風雅之途其于力將無所不至
而于境將無所不詣異日名山

楊道行集

卷一

之業大成極備而以懸諸寓內
即與日月爭光可也余不佞既
以復道行并因道行以質之乎
如云
萬曆乙未嘉平月穀旦

楊道行集敘

皖城友弟吳嶽秀撰

此全椒楊道行之詩若文也
友人鄒孚如業已為序以傳
秀誼不在乎如後何得無言
竊謂天無私授世乏無才常

楊道行集

序

若有所靳而弗與者蓋造物
微旨矣乃茲得吾友道行云
始道行為童子時有神解下
筆驚人長淮南北咸以為江
夏黃童龍門子安復出既成
進士隸事西曹蓋與不佞秀

洎魏懋權鄒孚如相朝夕已

而先後識顧叔時劉國徵講

業燕市驩若同生是時道行

年最少跋扈飛揚銳不可當

纚纚數千言一刻燭擊鉢可

立就隱然有孫江東之號焉

楊道行集

序

二

亡何分符濮上濮人士罔不

龔黃我道行也者然凝香燕

寢懷子建之雄才慕莊生之

豪舉一往深情寄吊於句則

詩與文日進乃道行復以治

行異等晉職方大夫值朔方

叛起道行日佐大司馬借箸
前籌倚辦石畫不數月而蕩
平人人咸以為禁中頗牧也
即羽檄交馳而意氣整暇口
不絕於韜鈴手不輟於篇翰
則詩與文日大進願道行信

楊道行集序

三

心而行絕無妍媚態以此稱
才亦以此賈謗則寃甚哉歸
來瑯琊山中往往以憂時憫
事之心戀國懷君之念發為
詩歌無少幾微不平之感似
又可以怨而不怨也者

畏路糜人文章憎命自古已
然於道行乎何損獨念宇宙
以來屈宋不為近體而李杜
不為騷才有所獨詣耳道行
詩盈盈成帙大備諸體而文
筆尤奇直寫胸臆成一家言

楊道行集序

四

即不佞所願以較周秦二
京六朝三唐之業若胡寬營
新豐求有不像肖者也且世
之齟齬道行者不過謂其勞
而不謙耳至語道行之才傑
然名世亡論海內知己業有

同然試探之齟齬者之口而
有不然者乎夫丈夫資適逢
世奇勲駿烈書竹帛而著旂
常士之實也鴻筆麗藻勒金
石而傳天壤士之華也方今
主上神聖疆圉多警行將起道

楊道行集

序

五

行於行間道行之功且昭然
如日月之大明於世道行年
甫四十餘搢搢攻古文辭不
休它日竹素之業不知何所
底止猗與盛哉倘道行得所
願為於一時而無當於不朽

楊道行集

序

六

盛事辟之石火電光倏閃倏
滅已爾道行奚取焉顧不佞
惓惓推轂道行而親暱之若
兄弟者非徒以文章重道行
蓋文一也或以為大業或以
為小技彼誠各有所重耳道
行幸自力脫謝朝華勤思太
上完養其神明而堅忍其德
性則升沉得失舉所已知者
浮雲耳何與於我又極之無
不可耐也而後稱完如以其
文而已矣則安所擊楫嘆賞

於我道行也江址為

聖祖龍興之地功業震世者不
少而文章僅得宗薛二君子
今併道行三矣不佞願與道
行共勉之毋令海內人士謂
我大江之址徒以來辭顯也

楊道行集

七

萬曆丁酉三月望日

楊道行集敘

九畹居士兄弟鄒觀光譔
世之論者曰絳灌無文隨陸
無武文章功業其不能兼所
用明甚而文士自矜重夫文
章以為是不朽盛事藉令立

楊道行集

敘

一

功名致通顯不以彼易此矣
茲二者之言皆過也英雄雋
異之才立言言垂立功功就
偏至而獨見其長有用有不
用耳而文章之用虛其益緩
功業之用實其益宏士而自

以其名立兩者均顯融矣為
世道計則寧收士之用于功
業而無寧使之以空言顯也
余友楊道行氏少而好為詩
賦古文詞已與余同舉進士
時南樂魏懋權無錫顧叔時

楊道行集

敘

二

漳浦劉國徵懷寧吳幼鍾並
以道義名節相砥礪用其餘
力楊挖文詞之業而道行跋
扈其間業日益進待次西曹
久凡鬱悒悲歌嘻笑怒罵皆
寄之乎吟咏世莫不知道行

氏雄于詩矣而道行殊不以
其故厭薄吏事人亦不以道
行為詩若文疑其不達于用
也已守濮州治行殊絕吏部
大計吏舉卓異二十餘人而
道行哀然高第尋郎民部已

楊道行集

敘

三

調郎兵部扶服歸免喪郎職
方君之郎職方也朔方事起
叛夷殺都御史副使而嬰城
以逆顏行赤白之囊重跡而
押至

上西顧遣大臣經略遣御史視

師已赫然逮督臣及出尚方
劔讐懾軍士皆下兵部行之
而是時恬熙久所在無兵職
方當推轂大將更置材官良
家子徵調兵舍糾紛旁午至
不暇休沐且飯而給事中御

楊道行集

敘

四

史人人上書談邊事卮言十
一窺言十九議論之難劑也
甚于籌兵道行益侃侃自發
舒無所依阿蓋道行既能不
以文章故而土苴功業又能
以文章而用為功業庶幾兼

楊道行集 敘

五

材矣而寧夏事定道行竟中
忌者歸歸而乃大肆其力于
詩賦古文辭夫道行之業其
大者莫著于籌邊余取其所
為詩若文而質之兵家言若
有合也其跌宕橫厲激昂鼓
壯若動于九天之上叱咤而
廢千人其縱橫闔闢鉅燧不
亂若不至學古兵法而旗鼓
進退錙銖不爽其宏于庀材
而廣于寓境體無所不構誤
而藻無所不薈最若七萃六

楊道行集 敘

六

部雲屯魚麗多多益善其隻
事興端片詞寄緒往往能以
咳吐譁浪而破千古之的若
偏師一旅批亢擣虛卓有餘
勁道行氏之言曰世能使我
苦心嘔血之功垂成而弁髦
之其更能以諭訛之口而奪
吾千秋之業乎哉道行誠有
以自信余無能難也設令道
行不為夫已氏所齟齬當論
功行賞增秩賜金幣如是止
下所得孰與仲多顧道行以

此自雄然非縣官急才意矣
道行既罷語及身之不用怡
然愉暢寧有幾微牢慙之感
至其談述邊略感事憂時思
深而語壯一篇之中三致意
焉道行之門人湯伯恩氏梓

楊道行集

敘

卷七

其所為詩若文以傳而道行
意謂必不佞為之序不佞居
恒謂道行平楊卓犖有正平
文舉風余不及君沉冥落埒
與世寡諧君亦不能順而就
余然其語于文章之際則

道行不以余為無似而使備
確錯故序道行集不佞不得
辭抑孫武子有言夫兵不過
奇正而奇正之變不可勝窮
也文章亦猶是矣道行春秋
富無論他所著作未見其止

楊道行集

敘

八

上明聖一日拊鞞思道行即君
家子雲所謂戎馬之間軍旅
之際飛書馳檄宣房枚臯者
亦豈能終舍道行余更得受
簡而序之

萬曆乙未十月穀旦

楊道行集序

蓋余友鄒孚如亟為余言楊道行也道行少孚如三歲同舉進士以文章行誼相切磋甚驩有年所矣嘗出其守濮時所著示余余津津賞之天厨寸鱗即九

楊道行集

序

一

鼎可知也又十年而余左遷部潁川過道行道行治具延款縱談及文事其指若曰人有心而形之於言言必文然後可傳遠故文論理必別是非論事必明得失一切可喜可哀可怒可愕

可懼情狀如在目前使人覽之

不覺失笑盱衡立髮舌吐齒齟

而涕歆下乃可耳當今之世宜

莫如弇州而弇州推尊歷下新

都不啻出口此弇州自為盛德

事非所以訓也夫兩公曾不若

楊道行集

序

二

屠長卿與吾孚如余亟服其持論因語之曰雲間有馮元敏今又有道行道行遜謝不敢當而恨未識元敏別去二年道行門人湯伯恩行其集于武林而介孚如屬余序余以序屬潁故吏

致之又七年而道行門人潘士美來晉陽造行嘗為士美序其集因問道行狀知余前序未至會過夏鎮伯恩為水部郎假之作致書郵而繹前序大指以貽道行蓋其詩精采丰韻春容清

楊道行集

序

三

逸出入唐中盛間而多獨詣之趣其文氣骨本龍門體裁出昌黎而廬陵眉山輻湊並進博而不溢深而不譎華而不浮奧而不晦操縱闡闢沛然不禦而繩尺森然無越軼至其為春秋質

疑直探聖心無論左丘公羊穀梁雖胡氏書世所奉為功令曾不拾其屑吻學與才識有大過人者宜其言自成一家也道行當官守法恥養交趨捷而又練習朝章國體即職方時策九邊

楊道行集

序

四

如指掌所用將領畫機宜東盪倭而西靖朔方使竟其業必且紀大常載盟府不然而令直石渠金馬喉舌天言潤色皇猷詎不瀾焉一代良史而為讒口所尼淹抑不伸垂二十年惜哉夫